

# ”ԲԵՅՔԵՐ ԹԻԼԼԻ ԱՐՄԵՆԻԱ”

ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

ՀԱՄԱԽՍԲՎԱԾ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ  
ՀԱՅԿԱԿԱՆ ԴՐԱՄՈՎ

31 ԴԵԿՏԵՄԲԵՐ 2014թ.



BAKER TILLY  
ARMENIA

ԵՐԵՎԱՆ 2015

## Բովանդակություն

1.	Ֆինանսական վիճակի մասին համախմբված հաշվետվություն	3
2.	Համապարփակ ֆինանսական արդյունքների մասին համախմբված հաշվետվություն	4
3.	Մեփական կապիտալում փոփոխությունների մասին համախմբված հաշվետվություն	5
4.	Դրամական հոսքերի մասին համախմբված հաշվետվություն	6
5.	Համախմբված Ֆինանսական հաշվետվություններին կից ծանոթագրություններ	7

**ՖԻՆԱՆՍԱԿԱՆ ՎԻՃԱԿԻ ՄԱՍԻՆ  
ՀԱՄԱԽՄԲՎԱԾ ՀԱՇՎԵՏՎՈՒԹՅՈՒՆ  
2014թ. դեկտեմբերի 31-ին ավարտված տարվա համար**

	<i>(հազար դրամ)</i>	
	<b>2014թ.</b>	<b>2013թ.</b>
<b>ԱԿՏԻՎՆԵՐ</b>		
<i>Ոչ ընթացիկ ակտիվներ</i>		
Հիմնական միջոցներ	141,244	147,244
Ոչ նյութական ակտիվներ	553	737
<b>Ընդամենը ոչ ընթացիկ ակտիվներ</b>	<b>141,797</b>	<b>147,981</b>
<i>Ընթացիկ ակտիվներ</i>		
Նյութեր	490	-
Դեբիտորական պարտքեր և կանխավճարներ	20,548	9,370
Դրամական միջոցներ և դրանց համարժեքներ	17,606	13,749
Հետաձգված հարկային ակտիվ	2,776	-
Այլ ընթացիկ ակտիվներ	1,960	1,099
<b>Ընդամենը ընթացիկ ակտիվներ</b>	<b>43,380</b>	<b>24,218</b>
<b>ԸՆԴԱՄԵՆԸ ԱԿՏԻՎՆԵՐ</b>	<b>185,177</b>	<b>172,199</b>
<b>ԿԱՊԻՏԱԼ ԵՎ ՊԱՐՏԱՎՈՐՈՒԹՅՈՒՆՆԵՐ</b>		
<i>Սեփական կապիտալ</i>		
Կանոնադրական (բաժնեհավաք) կապիտալ	1,065	1,065
Կուտակված շահույթ	108,281	97,105
Պահուստային կապիտալ	150	150
<b>Ընդամենը սեփական կապիտալ</b>	<b>109,496</b>	<b>98,320</b>
<i>Ընթացիկ պարտավորություններ</i>		
Կարճաժամկետ բանկային վարկեր և փոխառություններ	14,353	26,367
Այլ ընթացիկ պարտավորություններ	61,328	47,512
<b>Ընդամենը ընթացիկ պարտավորություններ</b>	<b>75,681</b>	<b>73,879</b>
<b>ԸՆԴԱՄԵՆԸ ԿԱՊԻՏԱԼ ԵՎ ՊԱՐՏԱՎՈՐՈՒԹՅՈՒՆՆԵՐ</b>	<b>185,177</b>	<b>172,199</b>

Գևորգյան Փառանձեմ  
Գլխավոր տնօրեն

Գրիգորյան Լուսինե  
Գլխավոր հաշվապահ

Վավերացման ամսաթիվ՝ 12.03.2015թ.

**ՀԱՄԱՊԱՐՓԱԿ ՖԻՆԱՆՍԱԿԱՆ ԱՐԴՅՈՒՆՔՆԵՐԻ ՄԱՍԻՆ  
ՀԱՄԱԽՄԲՎԱԾ ՀԱՇՎԵՏՎՈՒԹՅՈՒՆ  
2014թ. դեկտեմբերի 31-ին ավարտված տարվա համար**

	<i>(հազար դրամ)</i>	
	<b>2014թ.</b>	<b>2013թ.</b>
Իրացումից հասույթ	293,624	207,118
Ծառայությունների ինքնարժեք	(193,939)	(148,601)
<b>Համախառն շահույթ</b>	<b>99,685</b>	<b>58,517</b>
Գործառնական այլ եկամուտներ	35	30
Իրացման ծախսեր	-	(526)
Վարչական ծախսեր	(77,948)	(62,356)
Գործառնական այլ ծախսեր	(165)	(554)
<b>Գործառնական շահույթ (վնաս)</b>	<b>21,607</b>	<b>(4,889)</b>
Ֆինանսական ծախսեր	(3,473)	(2,344)
Այլ ոչ գործառնական շահույթ/(վնաս)	(9,079)	-
<b>Շահույթ մինչև հարկումը</b>	<b>9,055</b>	<b>(7,233)</b>
Շահութահարկի գծով (ծախս)/փոխհատուցում	2,121	-
<b>Զուտ շահույթ շահութահարկի գծով ծախսի նվազեցումից հետո</b>	<b>11,176</b>	<b>(7,233)</b>
Այլ համապարփակ ֆինանսական արդյունք	-	-
<b>Համապարփակ ֆինանսական արդյունք</b>	<b>11,176</b>	<b>(7,233)</b>

Գևորգյան Փառանձեմ  
Գլխավոր տնօրեն

Գրիգորյան Լուսինե  
Գլխավոր հաշվապահ

Վավերացման ամսաթիվ՝ 12.03.2015թ.

**ՄԵՓԱԿԱՆ ԿԱՊԻՏԱԼՈՒՄ ՓՈՓՈԽՈՒԹՅՈՒՆՆԵՐԻ ՄԱՍԻՆ  
ՀԱՄԱԽՄԲՎԱԾ ՀԱՇՎԵՏՎՈՒԹՅՈՒՆ  
2014թ. դեկտեմբերի 31-ին ավարտված տարվա համար**

Մեփական կապիտալի տարրերի անվանումը	Կանոնադրական կապիտալ	Կուտակված շահույթ	Պահուստ	Ընդամենը
<b>Հոդվածներ</b>				
<b>Մնացորդ առ 31 դեկտեմբերի 2012թ.</b>	1,000	139,602	150	140,752
Նախորդ տարիների էական սխալների ճշգրտում	-	(3,264)	-	(3,264)
<b>Վերահաշվարկված մնացորդ</b>	1,000	136,338	150	137,488
Դուստր ընկերության կանոնադրական կապիտալ	65	-	-	65
Զուտ շահույթ/ վնաս	-	(7,233)	-	(7,233)
Վճարված շահաբաժին	-	(32,000)	-	(32,000)
<b>Մնացորդ առ 31 դեկտեմբերի 2013թ.</b>	1,065	97,105	150	98,320
Զուտ շահույթ/ վնաս	-	11,176	-	11,176
<b>Մնացորդ առ 31 դեկտեմբերի 2014թ.</b>	1,065	108,281	150	109,496

Գևորգյան Փառանձեմ  
Գլխավոր տնօրեն

Գրիգորյան Լուսինե  
Գլխավոր հաշվապահ

Վավերացման ամսաթիվ՝ 12.03.2015թ.

**ԴՐԱՄԱԿԱՆ ՄԻՋՈՑՆԵՐԻ ՀՈՍՔԵՐԻ ՄԱՍԻՆ ՀԱՄԱԽՄԲՎԱԾ ՀԱՇՎԵՏՎՈՒԹՅՈՒՆ  
2014թ. դեկտեմբերի 31-ին ավարտված տարվա համար**

	(հազար դրամ)	
	<b>2014թ.</b>	<b>2013թ.</b>
<b>Դրամական միջոցների տարեսկզբի մնացորդը</b>	<b>13,749</b>	<b>33,165</b>
<b>Գործառնական գործունեությունից դրամական միջոցների հոսքեր</b>		
Ծառայությունների իրացումից	309,384	220,625
Նյութերի ձեռքբերման գծով	(28,021)	(2,364)
Աշխատանքների կատարման, ծառայությունների մատուցման գծով	(24,958)	(9,880)
Վճարումներ աշխատակիցներին և նրանց անունից	(161,489)	(154,026)
Վճարումներ բյուջե	(58,714)	(33,096)
Վճարումներ սոցիալական ապահովագրության հիմնադրամ	-	(542)
Գործառնական այլ գործունեությունից ելքեր	(11,862)	(8,112)
<b>Գործառնական գործունեությունից դրամական միջոցների զուտ հոսքեր</b>	<b>24,340</b>	<b>12,605</b>
<b>Ներդրումային գործունեությունից դրամական միջոցների հոսքեր</b>		
Շահաբաժինների և տոկոսների ստացումից	-	2
Ոչ ընթացիկ նյութական և ոչ նյութական ակտիվների ձեռքբերման գծով	(3,663)	(2,310)
<b>Ներդրումային գործունեությունից դրամական միջոցների զուտ հոսքեր</b>	<b>(3,663)</b>	<b>(2,308)</b>
<b>Ֆինանսական գործունեությունից դրամական միջոցների հոսքեր</b>		
Ստացված վարկերից և փոխառություններից	22,854	42,796
Ստացված վարկերի և փոխառությունների մարումից	(36,251)	(39,024)
Վճարված շահաբաժիններ և տոկոսներ	(3,473)	(33,563)
<b>Ֆինանսական գործունեությունից դրամական միջոցների զուտ հոսքեր</b>	<b>(16,870)</b>	<b>(29,791)</b>
<b>Ընդամենը դրամական միջոցների զուտ հոսքեր</b>	<b>3,807</b>	<b>(19,494)</b>
Արտարժույթի փոխարժեքային տարբերություններ	50	78
<b>Դրամական միջոցների մնացորդը հաշվետու ժամանակաշրջանի վերջին</b>	<b>17,606</b>	<b>13,749</b>

Գևորգյան Փառանձեմ  
Գլխավոր տնօրեն

Գրիգորյան Լուսինե  
Գլխավոր հաշվապահ

Վավերացման ամսաթիվ՝ 12.03.2015թ.

**ՀԱՄԱԽՄԲՎԱԾ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻՆ ԿԻՑ ԾԱՆՈԹԱԳՐՈՒԹՅՈՒՆՆԵՐ  
2014թ. դեկտեմբերի 31-ին ավարտված տարվա համար**

**1. ԳՈՐԾՈՒՆԵՈՒԹՅԱՆ ՆՊԱՏԱԿՆԵՐԸ**

“ԲԵՅՔԵՐ ԹԻԼԼԻ ԱՐՄԵՆԻԱ” փակ բաժնետիրական ընկերությունը (հետայսու՝ Ընկերություն) (նախկինում՝ “Բիզնես Կոնսալտ” ՓԲԸ) մասնագիտական ծառայություններ մատուցող անկախ Ընկերություն է, որը հիմնադրվել է 1996թ. 1998թ.-ից ք.Գյումրիում գործում է Ընկերության հիմնադրած մասնաձյուղը:

Սկսած 2007թ. մայիս ամսից, մեր Ընկերությունն անդամակցում է Baker Tilly International համաշխարհային ճանաչում ունեցող աուդիտորական խորհրդատվական ընկերությանը՝ ստանալով միջազգային կարգավիճակ:

“Բեյքեր Թիլլի Ինթերնեշնլ”-ը ([www.bakertillyinternational.com](http://www.bakertillyinternational.com)) հաշվապահական և գործարար ծառայությունների խոշորագույն միջազգային ցանցերի ցանկում ութերորդն է. այն ներկայացված է իր ավելի քան 156 անկախ ընկերությունների միջոցով աշխարհի 131 երկրներում, իսկ գլխամասային գրասենյակը տեղակայված է գործարար աշխարհի կենտրոն՝ Լոնդոնում (Միացյալ Թագավորություն):

Ընկերության բաժնետիրական կապիտար հավասարապես պատկանում է Փառանձեմ Գևորգյանին և Սուշեղ Մկրտչյանին:

2014թ. դեկտեմբերի 31-ի դրությամբ Ընկերությունը ուներ 41 աշխատակից (2013թ-ին՝ 40):

Ընկերության գործունեության հասցեն է՝ Հայաստանի Հանրապետություն, Երևան 0010, Հանրապետության փ. 22, 5-րդ հարկ: Ընկերության մասնաձյուղի հասցեն է՝ ՀՀ Գյումրի, Խրիմյան Հայրիկ փ. 46ա:

Ընկերությունը աուդիտորական ծառայությունների մատուցման լիցենզիա է ստացել Հայաստանի Հանրապետության Ֆինանսների նախարարությունից և ծառայություններ է մատուցում ձեռնարկատիրական և բանկային ոլորտի հաճախորդներին: Հայաստանյան և Հայաստանում գործող միջազգային կազմակերպություններին՝ Ընկերությունը մատուցում է հետևյալ ծառայությունները.

- Աուդիտ
- Հաշվապահական հաշվառման վարում
- Հարկային և իրավաբանական խորհրդատվություն
- Խորհրդատվական ծառայություններ

**2. ՊԱՏՐԱՍՏՄԱՆ ՀԻՄՈՒՆՔՆԵՐԸ**

***Համապատասխանության մասին հայտարարություն***

Մույն ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (“ՖՀՄՄ”) պահանջների համաձայն:

***Չափման հիմունքները***

Ֆինանսական հաշվետվությունները պատրաստվել են պատմական արժեքի սկզբունքի հիման վրա բացառությամբ :

***Գործառնական և ներկայացման արժույթ***

Կազմակերպության գործառնական արժույթն է հանդիսանում ՀՀ դրամը (դրամ), որը, լինելով Հայաստանի Հանրապետության ազգային արժույթը, արտացոլում է Կազմակերպության գործունեության հիմքում ընկած իրադարձությունների և հանգամանքների տնտեսական էությունը:

Դրամը հանդիսանում է նաև սույն ֆինանսական հաշվետվությունների ներկայացման արժույթը: Ֆինանսական տեղեկատվությունը ներկայացված է դրամով՝ հազարների ճշտությամբ:

### **Գնահատումների ու ենթադրությունների կիրառում**

Ֆինանսական հաշվետվությունների պատրաստումը՝ համաձայն հաշվապահական հաշվառման միջազգային սկզբունքների, սովորաբար ղեկավարությունից այնպիսի գնահատումներ ու ենթադրություններ է պահանջում, որոնք ազդեցություն են գործում հաշվետվությունում ներկայացված ակտիվների ու պարտավորությունների գումարների և պայմանական ակտիվների ու պարտավորությունների բացահայտման վրա՝ ֆինանսական հաշվետվությունների ամսաթվի դրությամբ, ինչպես նաև հաշվետու տարվա եկամուտների ու ծախսերի գումարների վրա: Փաստացի արդյունքները կարող են տարբերվել այդ գնահատումներից: Գնահատումները կիրառվում են հաշվապահությունում կասկածելի պարտքերի պահուստի, պաշարների հնացման, հիմնական միջոցների ու ներդրումների փոխհատուցման, մաշվածության, եկամտի ճանաչման, հարկերի ու պայմանական հողվածների համար: Գնահատումներն ու ենթադրությունները պարբերաբար ուսումնասիրվում են և արդյունքները արտացոլվում են այն տարվա ֆինանսական հաշվետվություններում, որում դա անհրաժեշտ է համարվում:

### **Գործունեության անընդհատությունը**

Սույն ֆինանսական հաշվետվությունները պատրաստվել են՝ հիմնվելով գործունեության անընդհատության սկզբունքի վրա, որը ենթադրում է ակտիվների իրացում և պարտավորությունների մարում սովորական գործունեության ընթացքում:

## **3. ՀԱՇՎԱՊԱՀԱՎԱՆ ՀԱՇՎԱՌՄԱՆ ՔԱՂԱՔԱԿԱՆՈՒԹՅՈՒՆԸ**

### **Հաշվապահական հաշվառման սկզբունքները**

Ֆինանսական հաշվետվությունները պատրաստվել են պատմական արժեքի սկզբունքի հիման վրա: Ֆինանսական հաշվետվությունները ներկայացվել են հայկական դրամով՝ հազարների ճշտությամբ, բացառությամբ այն դեպքերի, երբ կատարվում են այլ նշումներ:

### **Հիմնական միջոցներ**

Սկզբնական ճանաչման պահին հիմնական միջոցները չափվում են սկզբնական արժեքով: Այլ կողմերից ձեռք բերված հիմնական միջոցների միավորի սկզբնական արժեքն ընդգրկում է նրա գնման գինը, ներկրման տուրքերը, չփոխհատուցվող հարկերը և պարտադիր այլ վճարները, տրանսպորտային ծախսումները, ինչպես նաև ակտիվը իր նպատակային օգտագործման համար աշխատանքային վիճակի բերելու հետ անմիջականորեն կապված ծախսումները: Գործարկման և նման նախաարտադրական ծախսումները հիմնական միջոցների սկզբնական արժեքում չեն ներառվում:

### **Հետագա ծախսումներ**

Հիմնական միջոցների բաղկացուցչի փոխարինման ծախսերը ճանաչվում են միավորի հաշվեկշռային արժեքում, եթե հավանական է, որ Ընկերությունը կստանա այդ միավորի հետ կապված ապագա տնտեսական օգուտներ և վերջինիս արժեքը հնարավոր կլինի արժանահավատորեն չափել: Փոխարինվող բաղկացուցչի հաշվեկշռային արժեքն ապաճանաչվում է: Հիմնական միջոցների ամենօրյա սպասարկման ծախսումները առաջանալուն պես ճանաչվում են շահույթում կամ վնասում:

### **Մաշվածություն**



Հիմնական միջոցի միավորի մաշվեցվող (մաշվածության միջոցով որպես ծախս ճանաչման ենթակա) գումարը պարբերաբար բաշխվում է ակտիվի օգտակար ծառայության ընթացքում:

Շենքեր, շինություններ	40 տարի
Հաշվողական և համակարգչային տեխնիկա	5 տարի
Այլ հիմնական միջոցներ	5 տարի
Մինչև 50,000 դրամ արժողության հիմնական միջոցներ	1 տարի

Հիմնական միջոցի մաշվածության գումարը իր օգտակար ծառայության ընթացքում պարբերաբար բաշխելու համար կիրառվում է մաշվածության հաշվարկման գծային մեթոդը:

Մաշվածության հաշվարկման գծային մեթոդի համաձայն ակտիվի օգտակար ծառայության ընթացքում կատարվում են հավասարաչափ հատկացումներ:

### ***Վարձակալված ակտիվներ***

Այն վարձակալությունը, որի դեպքում Շնկերությանն են փոխանցվում ակտիվի սեփականության հետ կապված գրեթե ողջ ռիսկերն ու օգուտները, հանդիսանում է ֆինանսական վարձակալություն: Սկզբնական ճանաչման պահին ֆինանսական վարձակալությամբ ձեռք բերված ակտիվները չափվում են իրական արժեքից և նվազագույն վարձակալական վճարների ներկա արժեքից նվազագույնով: Սկզբնական ճանաչումից հետո ակտիվը հաշվառվում է տվյալ ակտիվի նկատմամբ կիրառելի հաշվապահական հաշվառման քաղաքականության համաձայն:

Վարձակալության մյուս տեսակները հանդիսանում են գործառնական վարձակալություն, և այդ վարձակալության պայմաններով վարձակալված ակտիվները չեն ճանաչվում Շնկերության ֆինանսական վիճակի մասին հաշվետվությունում:

### ***Արժեզրկում***

Ֆինանսական ակտիվը, որը չի չափվում իրական արժեքով շահույթի կամ վնասի միջոցով, գնահատվում է յուրաքանչյուր հաշվետու ամսաթվի դրությամբ՝ արժեզրկման վկայություն հայտնաբերելու նպատակով: Ֆինանսական ակտիվը համարվում է արժեզրկված, եթե պարզվում է, որ ակտիվի սկզբնական ճանաչումից հետո տեղի է ունեցել կորստի դեպք, որը բացասական ազդեցություն է ունեցել տվյալ ֆինանսական ակտիվի ապագա գնահատված դրամական հոսքերի վրա, որը հնարավոր է արժանահավատորեն գնահատել:

### ***Դեբիտորական պարտքեր***

Որպես դեբիտորական պարտք են դասակարգվել այն ֆինանսական ակտիվները, որոնք ստեղծվել են Շնկերության կողմից ուղղակիորեն պարտապանին (դեբիտորին) ապրանքներ կամ ծառայություններ տրամադրելու միջոցով, բացառությամբ այն դեբիտորական պարտքերի, որոնք Շնկերությունը մտադրված է անմիջապես կամ կարճ ժամկետում վաճառել: Սույն բաժնում նկարագրված մոտեցումները կիրառվում են նաև տրված կանխավճարների հաշվառման նկատմամբ:

Վարկերը և դեբիտորական պարտքերը ֆիքսված կամ որոշելի վճարումներով ոչ ածանցյալ ֆինանսական ակտիվներն են, որոնք գնանշված չեն գործող շուկայում: Այս ակտիվների սկզբնական ճանաչումը տեղի է ունենում իրական արժեքով՝ գումարած ուղղակիորեն վերագրելի գործարքի հետ կապված ծախսումները: Սկզբնական ճանաչումից հետո վարկերը և դեբիտորական պարտքերը չափվում են ամորտիզացված արժեքով, կիրառելով արդյունավետ տոկոսադրույքի մեթոդը՝ հանած արժեզրկումից կորուստները:

Դեբիտորական պարտքը դուրս է գրվում հաշվեկշռից այն և միայն այն դեպքում, երբ Շնկերությունը կորցնում է վերահսկողությունը պայմանագրային իրավունքների նկատմամբ, որոնք կազմում են այդ ֆինանսական ակտիվը (կամ ֆինանսական ակտիվի մի մասը):

### ***Կրեդիտորական պարտքեր և մասհանումներ***

Որպես կրեդիտորական պարտք են դասակարգվում այն մարման ենթակա գումարները, որոնք ստեղծվում են Ընկերության կողմից ուղղակիորեն պարտատիրոջից (կրեդիտորից) ապրանքներ կամ ծառայություններ գնելու միջոցով: Սույն բաժնում նկարագրված մոտեցումները կիրառվում են նաև ստացված կանխավճարների հաշվառման նկատմամբ:

### **Հարկեր**

Հարկերը հաշվարկված են ՀՀ հարկային օրենսդրությանը համապատասխան:

### **Շահութահարկ**

Շահութահարկը կազմված է ընթացիկ և հետաձգված հարկերից: Ընթացիկ և հետաձգված հարկերը ճանաչվում են շահութային կամ վնասում, բացառությամբ այն մասի, որը վերաբերում է ուղղակիորեն սեփական կապիտալում կամ այլ համապարփակ եկամտում ճանաչված տարրերին:

Ընթացիկ հարկը տարվա հարկվող շահույթի կամ վնասի գծով վճարման կամ ստացման ենթակա հարկի գումարն է, որը ներառում է նախորդ տարիների վճարման ենթակա հարկերի գծով կատարված ճշգրտումները:

Հետաձգված հարկը ճանաչվում է ֆինանսական հաշվետվությունների կազմման համար օգտագործվող ակտիվների և պարտավորությունների հաշվեկշռային արժեքների և հարկային նպատակների համար օգտագործվող գումարների միջև ժամանակավոր տարբերությունների գծով: Հետաձգված հարկը չի ճանաչվում այն ժամանակավոր տարբերությունների համար, որոնք առաջանում են ակտիվների և պարտավորությունների

սկզբնական ճանաչման հետ կապված այն գործարքում, որը չի հանդիսանում Ընկերության գործունեության միավորում և որն ազդեցություն չունի ոչ հաշվապահական և ոչ էլ հարկվող շահույթի կամ վնասի վրա:

Հետաձգված հարկի գումարը չափվում է կիրառելով հարկի այն դրույթները, որոնք ակնկալվում է, որ կկիրառվեն ժամանակավոր տարբերությունների նկատմամբ վերջիններս հակադարձելիս:

Ընթացիկ և հետաձգված հարկի գումարը որոշելիս Ընկերությունը հաշվի է առնում նաև լրացուցիչ հարկերի, տուգանքների, ուշացված վճարումների համար տոկոսների գանձման հնարավորությունը:

Հետաձգված հարկային ակտիվները վերանայվում են յուրաքանչյուր հաշվետու ամսաթվի դրությամբ և նվազեցվում են այն չափով, որքանով հավանական չէ, որ հարկային օգուտը կիրացվի:

### **Եկամուտների և ծախսերի ճանաչումը**

Եկամուտները և ծախսերը հաշվառվում են հաշվեգրման եղանակով: Եկամուտը ճանաչվում է այն դեպքում, երբ հավանական է, որ տնտեսական օգուտները կհոսեն Ընկերություն, և ստացված եկամուտը հնարավոր է արժանահավատորեն չափել: Ծախսը ճանաչվում է այն ժամանակ, երբ հավանական է, որ տնտեսական օգուտները կարտահոսեն Ընկերությունից և ծախսը հնարավոր է արժանահավատորեն չափել:

Եկամուտը դա տարվա ընթացքում մատուցված մասնագիտական ծառայությունների գծով ստացվելիք հատուցման իրական արժեքն է, որը ներառում է հաճախորդների համար իրականացվող աշխատանքների ժամանակ կրած փոխհատուցվող ծախսերը, սակայն չի ներառում ավելացված արժեքի հարկը: Երբ գործարքի արդյունքը հնարավոր է արժանահավատորեն գնահատել, գործարքից հասույթը ճանաչվում է համապարփակ ֆինանսական արդյունքների մասին հաշվետվությունում՝ հաշվետու ժամանակաշրջանի վերջի դրությամբ գործարքի ավարտվածության աստիճանի հիման վրա՝ պայմանով, որ հատուցում ստանալու իրավունքը ձեռք է բերվել ծառայությունների մատուցման արդյունքում: Հատուցումը հաշվեգրվում է պայմանագրով նախատեսված աշխատանքների կատարմանը զուգահեռ՝ հիմք ընդունելով փաստացի կատարած աշխատանքի արժեքը: Այդ իսկ պատճառով, ծառայությունների մատուցման

պայմանագրերից ստացվող հասույթն իրենից ներկայացնում է յուրաքանչյուր պայմանագրով նախատեսված աշխատանքի ավարտվածության աստիճանին համապատասխանող ծախսերը, գումարած վերագրելի շահույթը և անհրաժեշտության դեպքում՝ հանած նախորդ տարիներում ճանաչված գումարները: Իսկ եթե գործարքի արդյունքը հնարավոր չէ արժանահավատորեն գնահատել, ապա հասույթը ճանաչվում է ծառայությունների մատուցման հետ կապված ծախսերի չափով, որոնք փոխհատուցելի են: Հասույթ չի ճանաչվում, եթե առկա են զգալի անորոշություններ վճարման ենթակա հատուցման փոխհատուցման հետ կապված, կամ երբ վճարումը ստանալու իրավունքը պայմանավորված է Ընկերության վերահսկողությունից դուրս գտնվող դեպքերով: Ակնկալվող վնասը ճանաչվում է հավանական դառնալու պահին՝ հասույթի և ծախսերի վերջին գնահատումների հիման վրա:

**Արտարժույթներ**

Ընկերությունը վարում է իր հաշվապահական հաշվառման գրքերն ու մատյանները տեղական արժույթով՝ հայկական դրամով: Արտարժույթով կատարված գործարքները վերահաշվարկվում են հայկական դրամով՝ գործարքի օրվա փոխարժեքով: Արտարժույթով արտահայտված դրամական ակտիվները և պարտավորությունները փոխարկվում են ՀՀ դրամի՝ հաշվեկշռային ամսաթվի դրությամբ գործարքի օրվա փոխարժեքով: Առաջացած բոլոր տարբերությունները հաշվառվում են ֆինանսական արդյունքների մասին հաշվետվությունում:

Հայկական դրամով արտահայտված մնացորդների փոխարկման համար կիրառված փոխարժեքները, որոնք հրապարակվել են ՀՀ ԿԲ-ի կողմից ներկայացված են ստորև.

	31 Դեկտեմբեր 2014թ.	31 Դեկտեմբեր 2013թ.
ՀՀ դրամ/1 ԱՄՆ դոլար	474.97	405.64
ՀՀ դրամ/1 ԵՎԸ	577.47	559.54

**Նոր ստանդարտներ և մեկնաբանություններ**

Մի շարք նոր ստանդարտներ և դրանց փոփոխություններն ու մեկնաբանությունները չէին գործում 2013թ. դեկտեմբերի 31-ի դրությամբ և հետևաբար չեն կիրառվել սույն ֆինանսական հաշվետվությունները պատրաստելիս: Չենք բացառում, որ դրանք կարող են ազդեցություն ունենալ Ընկերության գործունեության վրա, երբ կմտնեն կիրառության մեջ: Դրանք են՝

- ✓ ՖՀՄՍ 9 “Ֆինանսական գործիքներ” ստանդարտը կգործի 2015թ. հունվարի 1-ից սկսվող տարեկան ժամանակաշրջանների համար: Նոր ստանդարտը կհրապարակվի մի քանի փուլերով, և կփոխարինի Ֆինանսական հաշվետվությունների միջազգային ստանդարտ ՀՀՄՍ 39 “Ֆինանսական գործիքներ. ճանաչում և չափում”-ին: ՖՀՄՍ 9-ի առաջին մասը, որը հրապարակվել է 2009թ. նոյեմբերին վերաբերում է ֆինանսական ակտիվների ճանաչմանը և չափմանը, իսկ երկրորդ մասը՝ 2010թ. հոկտեմբերին և վերաբերում է ֆինանսական պարտավորությունների դասակարգմանը և չափմանը: Կարծում ենք, որ Ստանդարտի մյուս փոփոխությունները կհրապարակվեն 2014թ.-ի ընթացքում: Ընկերությունը որդեգրել է Ստանդարտների փոփոխություններին զուգընթաց կիրառում: